

I FLETËUDHËZUES I PAKETIMIT:
Informacion për pacientin

PRONYSTIN

Tableta të veshura me film - 500.000 IU
(Nistatinë)

Lexoni me kujdes këtë fletëudhëzues sepse ai përmban informacione të rëndësishme për ju.
Për të qenë të sigurtë për suksesin e terapisë, tabletat e veshura me film Pronystin duhet të përdoren gjithmonë sipas mënyrës së përshkruar.

- Ruajeni këtë fletëudhëzues. Mund t'ju nevojitet ta lexoni përsëri.
- Drejtohuni tek farmacisti ose mjeku juaj nëse kërkoni këshilla ose informacion të mëtejshëm
- Nëse simptomat ju përkeqësohen, ose nëse pas 7 ditësh nuk keni asnjë përmirësim, duhet pajtjetër të shkoni tek mjeku.
- Nëse ndonjë prej efekteve anësore të përmendura ju shqetëson, ose nëse vini re efekte anësore të cilët nuk janë të përmendur në këtë fletëudhëzues, ju lutemi të informoni mjekun ose farmacistin tuaj.

Në këtë fletëudhëzues:

1. Çfarë është Pronystin dhe përse përdoret?
2. Çfarë duhet të dini para se të përdorni Pronystin?
3. Si ta merrni Pronystin?
4. Cilët janë efektet anësore të mundshme?
5. Si ta ruani Pronystin?
6. Informacione të mëtejshme

1. ÇFARË ËSHTË PRONYSTIN DHE PËRSE PËRDORET?

Tabletat Pronystin shërbejnë për trajtimin e infeksioneve mykotike (antimykotikë).

Ato indikohen për trajtimin intestinal topik të infeksioneve mykotike të traktit gastrointestinal, të cilat dihet se janë të ndjeshme ndaj nistatinës, sidomos kur infeksioni mykotik ka ndodhur si pasojë e një terapie me antibiotikë, citostatikë ose kortikoidë.

2. ÇFARË DUHET TË DINI PARA SE TË PËRDORNI PRONYSTIN?

Pronystin nuk duhet të përdoret

- nëse jeni hipersensitiv (alergjik) ndaj nistatinës, ndaj një bari të ngjashëm me të (amfotericinë B, natamicinë), ndaj ponceau 4R (ngjyrues), karmoisinë Aluminium-Lack (ngjyrues) ose ndaj ndonjërit prej përbërësve të tjerë të tabletave Pronystin;
- për trajtimin e infeksioneve mykotike sistemike (që kanë të bëjnë me organet e brendshme).

Duhet treguar kujdes i veçantë gjatë përdorimit të Pronystin:

Fëmijët

Për shkak të osmolaritetit të lartë të nistatinës, nuk duhet të përdoret tek foshnjat e lindura para kohe ose tek ato që janë shumë nën peshë.

Përdorimi i Pronystin me barna të tjera:

Informoni mjekun ose farmacistin tuaj nëse merrni / përdorni barna të tjera ose i keni marrë / përdorur ato para pak kohësh, përfshirë edhe barnat që keni marrë pa përshkrimin e mjekut.

Shtatzënia / Ushqimi me gji

Nistatina, lënda vepruese e Pronystin, në doza terapeutike të marra në rrugë orale, nuk përthithet nga lëkura e padëmtuar ose nga mukozat. Nistatina nuk e kalon placentën, dhe nuk pritet që të kalojë në qumështin e gjirit. Tabletata e veshura me film Pronystin mund të përdoren gjatë shtatzënisë dhe ushqimit me gji.

Drejtimi i automjetit dhe përdorimi i makinerive:

Nuk ka të dhëna për ndikimin e këtij bari në aftësinë për të drejtuar automjetin dhe për të përdorur makineri.

Informacione të rëndësishme për disa nga përbërësit e Pronystin

Ky bar përmban laktozë. Nëse e dini që vuani nga ndonjë intolerancë ndaj sheqernave të caktuar, ju lutemi t'i përdorni tabletat e veshura me film Pronystin vetëm pasi të keni folur me mjekun. Ponceau 4R, karmoisina e aluminit mund të shkaktojnë reaksione mbindjeshmërie.

3. SI TA MERRNI PRONYSTIN?

Gjithmonë merrni tabletat e veshura me film Pronystin sipas udhëzimeve të mjekut. Drejtohuni tek mjeku ose farmacisti juaj nëse nuk jeni shumë të sigurtë.

Doza e zakonshme është: në trajtimin e infeksioneve mykotike të traktit gastrointestinal, veçanërisht gjatë trajtimit me barna që favorizojnë mykun në këtë trakt (p.sh.: antibiotikët me spektër të gjerë, kortikoidët, citostatikët) – merret 3 herë në ditë nga 1 tabletë e veshur me film. Në rast se është e nevojshme, doza e Pronystin mund të rritet.

Mënyra e përdorimit

Merrni tabletat e veshura me film Pronystin pas ushqimit, të plota, me pak lëng.

Kohëzgjatja e përdorimit

Kohëzgjatja e përdorimit është 2 javë, ose aq sa zgjat edhe terapia me barna që favorizojnë rritjen e mykut. Flisni me mjekun ose farmacistin tuaj nëse keni përshtypjen se efekti i tabletave të veshura me film Pronystin është shumë i fortë ose shumë i dobët.

Nëse keni marrë më shumë Pronystin se sasia që duhet të merrni

Ka pak informacione për mbidozimin e nistatinës pas marrjes nga goja. Meqenëse edhe në doza të larta, përthithja e nistatinës nga trakti gastrointestinal pas marrjes nga goja është e papërfillshme, nuk pritet të ketë efekte anësore në organizëm edhe në rast mbidozimi. Në rast se ndodh mbidozim duhet proceduar me marrjen e masave të zakonshme të cilat përdoren për eliminimin e një bari nga trakti gastrointestinal.

Nëse harroni të merrni Pronystin

Mos merrni një dozë të dyfishtë nëse keni harruar të merrni dozën paraardhëse. Vazhdoni trajtimin sipas mënyrës së përshkruar.

Nëse ndërpriti trajtimin me Pronystin

Mund të vini në rrezik suksesin e trajtimit. Flisni me mjekun ose farmacistin tuaj përpara se të ndërpriti trajtimin me Pronystin. Nëse keni pyetje të mëtejshme mbi përdorimin e këtij bari, pyesni mjekun ose farmacistin tuaj.

4. CILËT JANË EFEKTET ANËSORE TË MUNDSHME?

Si të gjitha barnat e tjera, tabletat e veshura me film Pronystin mund të shkaktojnë efekte anësore, megjithëse jo çdokush i manifeston ato. Për vlerësimin e efekteve anësore janë përdorur reguesit e shpeshtësisë si më poshtë:

Shumë të shpeshta	Shfaqen në më shumë se 1 në 10 përdorues
Të shpeshta	Shfaqen në 1 deri në 10 përdorues nga 100
Të pazakonta	Shfaqen në 1 deri në 10 përdorues nga 1 000
Të rralla	Shfaqen në 1 deri në 10 përdorues nga 10,000
Shumë të rralla	Shfaqen në më pak se 1 në 10,000 përdorues
Të panjohura	Nuk mund të vlerësohen.

Efekte anësore të mundshme:

Nistatina, lënda vepruese e Pronystin, përgjithësisht tolerohet mirë. Shpesh mund të ndodhin shqetësime gastrointestinale, nauze, të vjella dhe diarje. Efekte të pazakonta janë: rash në lëkurë si dhe urtikarie. Rrallë mund të vërehet sindroma Stevens-Johnson (temperaturë dhe fluska të dhimbshme në lëkurë dhe mukozat). Ponceau 4R (ngjyrues) dhe karmoisina e aluminit mund të shkaktojnë reaksione alergjike.

Udhëzime të veçanta:

Në rast të një reaksioni mbindjeshmërie, bari duhet ndërprerë dhe mjeku duhet t'ju këshillojë për trajtimin e duhur. Informoni mjekun ose farmacistin tuaj nëse ndonjë prej efekteve anësore të përmendura ju shqetëson dukshëm, ose nëse vëreni efekte anësore të cilët nuk përmenden në këtë fletëudhëzues.

5. SI TA RUANI PRONYSTIN?

Të ruhet larg fëmijëve!
Nuk duhet ta përdorni këtë bar pas kalimit të datës së skadencës, e cila shënohet në blister dhe në kuti me <Skad.>. Data e skadencës i referohet ditës së fundit të muajit.
Mos e ruani mbi 25°C.

6. INFORMACIONE TË MËTEJSHME

Çfarë përmbajnë tabletat e veshura me film Pronystin:

Lënda vepruese është:

1 tabletë e veshur me film përmban 500.000 I.U. Nistatinë.

Përbërësit e tjerë janë:

laktozë monohidrat, celulozë pluhur, glikolat natriumi i amidonit, povidon K25, dioksid silici koloidal, stearat magnezi, kopolimer bazik butilmetakrilat, laurilsulfat natriumi, karboksimetilcelulozë natriumi, acid stearik, dioksid titani (E171), talk, ponceau 4R (E124) dhe karmoisinë alumini (E122).

Si paraqiten tabletat e veshura me film Pronystin dhe përmbajtja e paketimit:

Pronystin janë tableta rozë, gjysmëkonvekse, në paketim me 20 tableta të veshura me film dhe 30 tableta të veshura me film.

Shpjegues i ikonave ilustruese për paketim:



Sipas recetës së mjekut.



Nuk duhet të përdoret te fëmijët.



Përmbajtja.



Kujdes.



Forma e tabletës.

Mbajtësi i autorizimit të tregtimit (MAT) dhe prodhuesi:



PROFARMA Sh.a.
Rruga "Myslym Keta"
Tel. Fax: 00 355 4 23 62 800
Tiranë - SHQIPËRI

Ky fletëudhëzues u rishikua për herë të fundit në Nëntor 2013.

PAY ATTENTION, all the layers are visible.

If you have to print this document please check or uncheck the specific layers.

SPECIFICATION

CROPING AREA 12 x 19 cm